

Америка кўшма штатлари сафига 49-штат бўлиб кирган Алясканинг Россия томонидан сотиб юборилиши тарихдаги энг йирик ва шов-шувларга сабаб бўлган келишувлардан биридир. 1867 йилдаги давлатлараро шартномага кўра АКШ 7 200 000 доллар эвазига умумий майдони 1 518 800 км<sup>2</sup> бўлган Аляска ярим оролини атрофдаги кичик ороллар ва киргоқдан наридаги 10 миля масофагача кўшиб сотиб олади. Энг кизиги бу келишув кўпчилик ўйлаганидек Американинг ўта айёрлиги туфайли эмас, Россия тарафининг бу худуддан қандай қилиб бўлса-да қутулиш, ҳар қандай суммага бўлса-да пуллаш иштиёки қучлилиги туфайли амалга ошганди.

Аляска 1732 йилда М. С. Гвоздева ва И. Фёдоровлар бошлик рус экспедицияси томонидан очилган ва Россия империяси мулки деб эълон қилинган. Узок йиллар бу ўлканинг Империя учун бирор бир нафи тегмади. Аляскадан давлат эмас, жисмоний шахслар фойдаланиб юришди. 1799 йилда Аляскада “Рус-Америка компанияси” деб номланган махсус монополистик ташкилот тузилди ва айнан шу ташкилот деярли 70 йил, Аляска сотилгунга қадар бу худудни бошқариб келди.

Аляскани биз олтин, нефть ва бекиёс чиройли табиатга эга бой ўлка сифатида биламиз. Лекин у даврларда олтин ва нефть ҳали топилмаган. Гўзал табиат эса ҳеч қимни қизиктирмасди. Рус-Америка компанияси ташкил бўлиб шунча йил ишлади ҳамки, давлатга бирор рубль фойда келтирмади. Боз устига бу компания давлат хазинасидан йилига 200 000 рубль миқдорда дотация (ёрдам пули) ҳам оларди. Чексиз-чегарасиз бу худудда бор-ўйи икки минг нафарга яқин руслар, ундан ҳам оз бошқа миллат вакиллари ва 60 000 мингга яқин ёввойи дея таърифланган маҳаллий хиндулар ҳамда эскимослар бир-бирлари билан адоватда яшашарди. Аляскада мустамлакачиларни қизиктириши мумкин бўлган тузукрок даромад манбаи йўқ, маҳаллий аҳоли хайвонлар мўйнасини пуллаб амал-такал қилган кечирарди. Аксига олиб бу хайвонлар сони ҳам руслар яшайдиган жойларда йилдан-йилга камайиб борар, ов қилиш учун ёввойилар яшайдиган ички худудларга қилиб боришга ҳеч қимда юрак йўқ эди.

Яна Аляскадан Сан-Францискога муз олиб бориб сотишар, ҳали музлатгичлар ихтиро қилинмаган бу даврда муз ҳам озми-кўпми пул бўларди. Олдинроққа кетиб айтиш мумкинки, Америка Аляскани сотиб олганидан кейинги ўттиз йил давомида ҳам аҳвол деярли ўзгармади. Мана шу йиллар ичида бу ерларни сотиб олган сиёсатчилар пулни шамолга совурганлар сифатида деярли халқ душманига айланишди.

Аляскани сотиб юбориш фикри Шаркий Сибир губернатори граф Н. Н. Муравьев-Амурскийдан чиққанди. 1853 йилда у императорга ёзган хатида Россия бунчалар узокда бўлган бу ўлкани саклай олмаслигини, имкон бўлди дегунча Аляскани пуллаб, бу маблағни ички муаммоларни ҳал қилиш ҳамда Сибир, Амурбўйи ерларини ўзлаштиришга, Осиёдаги таъсирларни қучайтиришга сарфлаш лозимлигини батафсил тушунтиради. Турли хил урушларга аралашиб қолган, иктисоди анча ночор аҳволга тушиб қолган Россия борди-ю Аляскага бирорта давлат ҳужум қилса, химоя қилолмаслиги аниқ эди. У даврларда бирор бир худудни босиб олиш ва ўз мулки деб эълон қилиш бутунлай қонуний бўлиш билан бирга одатий бир ҳол бўлган. Яъни Аляска сотилмаса ё борган

сари кудрати ошиб бораётган АКШ ёки Россия билан ёвлашиб юрган Англия эртами-кечми бу худудга кўз тикиши ва эгаллаб олиши аник эди. Техасни Америка Мексикадан тортиб олгани ва камига Калифорнияни ҳам сотишга мажбур қилганлиги бу фикрнинг исботи эди.

Бу вазият Император Александр II нинг кичик укаси, буюк княз Константин Николаевични каттик ўйга чўмдиради ва у Вашингтондаги Россия вакили, барон Эдуард Стеклга Аляскани сотиш лозимлиги уқдиради. 1857 йилда Россия Ташки Ишлар Вазирлиги бу таклифни кўриб чиқади ва маъқуллайди. Лекин бу масала АКШда бошланган фукаролар уруши туфайли кейинга колдирилади. 1866 йилда Александр II нинг ўзи ҳам иштирок этган махсус кенгашда Аляскани камида 5 млн. долларга сотиш тўғрисида қарор қабул қилинади. Лекин масаланинг бошка томони ҳам бор эди. Хали асосий ва ягона харидор бўлган АКШдан бирор бир таклиф тушмаган, харидорга сотиб олишни таклиф этиш империя учун дунё ҳамжамияти олдида паст кетишдан ўзга нарса эмасди. Шунинг учун ишни ими-жимиди хал қилиш бунақа ишларга уста бўлиб кетган барон Эдуарда Стеклга юкланади. 1867 йилда Вашингтонга келган Стекл АКШ давлат қотиби Уильям Сьюард билан учрашади ва АКШ Аляскани сотиб олиши учун қулай имконият борлигини тағдор гаплар билан писанда қилиб қўяди ҳамда биринчи таклиф АКШ томонидан чиқишига эришади. Президент Жонсон бу фикрни маъқуллайди ва бу масала юзасидан Уильям Сьюардни АКШ вакили этиб тайинлайди. 1867 йил 30 мартда Аляска сотилиши бўйича икки томонлама шартнома имзоланади. Аляска 7 200 000 долларга шу пулга яраша олтин бериш шарти билан сотилади.

Бу кўпми-камми?! Нарх борасидаги тортишувлар хали-хануз давом этмоқда. Умумий майдони 1 518 800 км<sup>2</sup> бўлган Аляска ярим ороли хар бир квадрат километри учун 4 доллару 73 центга, ёки бир гектари 5 цент атрофида пулланади. Текин бериб юборилган эканда, дерсиз. Лекин ўша даврларда бу жуда катта пул эди. Киёслаш учун шуни айтиб ўтиш лозимки, деярли 15 штат худудини камраб олган, Аляскадан ҳам каттарок 2 100 000 км<sup>2</sup> бўлган ва яхши ўзлаштирилган тарихий Луизиана французлар томонидан АКШга 10 млн. доллар эвазига сотилганди. Арзон сотилган деган фикр юритувчилар ҳам қайсидир маънода ҳақдирлар. Бойлик тушунчалари анчагина бошқачарок бўлган у даврларда Нью-Йоркдаги ўша даврда ягона бўлган 3 қаватли суд биноси АКШ ҳукуматида бутун Аляскага нисбатан қимматроққа тушганди.

1867 йилнинг 18 октябрида Аляска расман АКШга топширилди ва катта тантананда Россия байроги туширилиб, милтик ўқлари садолари остида АКШ байроги кўтарилади. Махаллий аҳолига танлаш имконияти берилади. Улар АКШ фукаролигини қабул қилишлари ёки Россияга қайтишлари мумкин эди. Шундоқ ҳам Аляскадан безор бўлиб юрган русларнинг кўпчилиги кемаларга ўтириб жўнаб холишади. Хозирда ҳам 18 октябр хар йили Аляска қуни сифатида нишонланади.

Шартномада қелишилган маблаг орадан деярли бир йил ўтгандан сўнг, 1868 йилнинг 1 августида Стеклга топширилади. Бу маблагдан 21 000 доллари Стеклга муқофот сифатида, 10 000 доллар (!) қелишув тўғрисида Петербургга хабар бериш учун телеграммага, 134 000 доллари АКШ ҳукумати бу қелишувга қўндирган турли хил амалдорларга пора сифатида берилади. Қизик факт, Россия Аляска сотилиши учун

шунча пул пора беришга хам рози бўлган. Аляска учун олинган маблаг асосан Россия темир йўллари тизимини ривожлантиришга сарфланган.

Энди Аляска сотилганидан кейинги фактларга эътибор беринг

1. Аляска АКШ тасарруфига айланганидан сўнг 30 йил ўтиб бу худуддаги Клондак деган жойда олтин конлари топилади ва “Олтин иситмаси” бутун дунёдаги олтинтопарларни Аляскага чорлайди.

2. XX асрда очилган нефть ва газ конларининг ўзидан 200 миллиард долларга яқин даромад олинади.

3. 1988 йилда хисобланишича, Аляскадаги баликчиликнинг ўзи 1 кунда Аляска сотиб олинганидан кўра кўпроқ даромад оларкан.

4. Аляскани сотиб олиш оркали АКШ тарихдаги энг фойдали битимни амалга оширган. Бу ўлкадан топилган пуллардан ташқари Аляска АКШнинг бу сарҳадлардаги харбий салохиятини хам ошириб юборганди.

Аляска сотилиши билан боғлиқ миш-мишлар ва нотўғри фикрлар:

- “Келишув пули тўланмаган ва Америка Россияни алдаган. Шунинг учун Россия Аляскани кайтариб олиши мумкин”. Бунинг асло иложи йўқ. Чунки юкоридаги фикрлар ўз исботини топган тақдирда хам хар икки давлат конунларида кўрсатилган даъво муддати аллақачон ўтиб кетган.

- “Аляска сотилмаган. Балки 99 йилга ижарага берилган. АКШнинг Аляскани 20 асрга келибгина ўз сафига 49 штат сифатида кўшиб олганлиги сабаби шу”. Бу хам исботини топмаган миш-миш. Аляска сотилаётган даврда императорнинг обрўсини тўкмаслик максидида ўйлаб топилган ва коғозга туширилган уйдирма.

- “Аляска эвазига олинган олтинлар Россияга етиб келмаган. Йўлда карокчилар талаб кетишган, колган-кутганини ортган кема океанга чўкиб кетган”. Буям бир миш-миш. Пуллар банкларгача етиб борган ва император хошишига кўра сарфланган.

- “Аляскани узокни кўра билмайдиган Екатерина II сотиб юборган”. Буниси энди ҳеч қандай қолипга сигмайди. Екатерина II 1796 йилда, Аляска сотилишидан 71 йил олдин ўлиб кетганди.

Аброр Зоҳидов тайёрлади